

欽定盛京通志

欽定盛京通志卷之九十五

列女三

本朝

奉天府各屬

錦州府各屬

關州縣志

奉天縣志

不詳

孤山志

五洲京報志

欽定盛京通志卷之九十五

列女三

(本朝)

(奉天府各屬)

畢國棟妻趙氏。承德縣人。夫亡。子方週歲。舅姑

繼喪。趙氏孀且貧。撫孤成立。守節五十餘載。

劉連登妻曹氏。承德縣人。夫亡時。姑衰。子稚。曹

氏苦志三十餘年。

趙進啟妻馮氏。承德縣人。夫亡。遺孤僅八日。家

貧如洗。馮氏忍饑寒。事翁盡孝。撫子完節。

旌表。

俱於雍正三年

舉人吳濤妻李氏。承德縣人。年二十一。夫亡。家貧無子。繼姪爲嗣。苦節三十餘年。

陳士偉妻劉氏。承德縣人。年逾二十。夫亡。堅意身殉。父母欲以姑老子幼。孝慈爲大。始勉從命。

及姑病。嘗藥滌垢。夜不就枕者逾月。姑卒。卜葬

瓦溝山。移夫柩附葬。氏見夫棺。仰天長號。投身

壙中曰。姑沒子長。吾今可以同穴矣。二子文言。

正言。倉皇號慟。跪勸不已。氏乃出。自是臥病不復起。尋卒。

鐵季祖妻姜氏。承德縣人。夫亡。氏鬢髮自勵。嘗截髮毀面以白其志。高起龍妻劉氏。承德縣人。夫亡。氏青年守節。艱苦萬狀。矢志完貞。

旌表。俱於乾隆四年

周紹錦妻朱氏。承德縣人。氏冰霜茹苦。守節堅貞。以針指自給。上事舅姑。下撫藐孤。孝慈兼著。

旌表。

乾隆十五年

徐炯紀妻高氏。承德縣人。夫亡守節。躬行女誠。

動有禮法。時稱孝義兼全。

旌表。

乾隆十七年

劉興祖妻關氏。承德縣人。夫早亡。衰姑在堂。氏

雖哀戚盡禮。而時以色笑慰其姑。俾母以暮年

喪子傷其心。姑卒以壽終。教幼子必以禮節。遂

成通儒。

旌表。

乾隆二十二年

貞女子氏陳興魁未婚妻。承德縣人。遙聞夫沒。徒步于歸。矢志柏舟。誓死靡他。孝事翁姑。甘旨承歡。及翁姑卒。祭葬以禮。時人稱之。

旌表。

乾隆三十四年

魏庭昭妻楊氏。承德縣人。夫亡。氏侍翁姑至孝。無子。教繼嗣以詩書。親自督課。夜嘗篝燈。勗其勤學卒業。後遂成名。

旌表。

乾隆三十五年

林益初妻袁氏。承德縣人。夫亡。氏零丁辛苦。冰

藥自甘守節五十年。

乾隆三十六年

旌表。

吏員宣國棟妻孟氏。承德縣人。夫歿。氏曰。吾本

貧家女。雖日饜糟糠。吾分也。遂早作夜寐。勤儉

自食。茹苦終身。

監生王介福妻宋氏。承德縣人。夫亡。慟哭欲絕。

茶苦守志。數十年未嘗見齒。戚黨稱其賢。

俱於乾隆三十八年

旌表。

佟國棟妻李氏。承德縣人。夫故。氏心甘荼蓼。嘗

曰。境不足以櫻我。我志不可奪也。貧窶數十年。勵節彌堅。

旌表。
乾隆四十年

康泰妻楊氏。遼陽州人。年十八。歸泰。有康三。乘夜逼污。不從。見殺。三伏法。氏入祀節孝祠。日晝石函喻妻李氏。遼陽州人。甫及笄。夫亡。無子。決意身殉。或勸云。上有舅姑。忍使其無依乎。乃誓志奉親。苦節四十餘年。

俱於康熙五十二年

旌表。

盧懋文妻王氏。遼陽州人。子甫週歲。夫亡。家素貧。氏紡績撫孤。教之成立。歷四十餘年。備常艱苦。王育民妻唐氏。遼陽州人。夫亡。無子。痛哭不食。屢欲自盡。因親族嚴守。得不死。家本孤寒。氏晝夜紡績。艱苦弗渝。歷四十餘年。以壽終。譚世榮妻王氏。遼陽州人。夫亡時。二子皆幼。氏苦志守節。延師教讀。俾俱成立。

武生呂翁如妻林氏。遼陽州人。夫亡。氏終身守節。餐冰茹痛。歷盡艱辛。

劉儒義妻溫氏。遼陽州人。年十九而嫁。孝養孀姑。苦節四十餘年。

俱於雍正八年

旌表。

侯畿妻劉氏。遼陽州人。畿病。氏焚香告天。願身代。及卒。氏年甫十九。恐戚族欲奪其志。以死自誓。孝事翁姑。教育子姪。守節四十三年。

張鳳陽妻趙氏。遼陽州人。夫死。氏決意隨穴。繼

復慨然曰。我死。無人奉舅姑。遂立志苦守。歷四十年。冰孀貞潔。

劉文善妻張氏。遼陽州人。文善病故。氏年僅十八。孝事翁姑。教育孤子。勤苦終身。及翁姑終後。祭葬皆以禮。苦節歷四十四年。

俱於乾隆四年

旌表。

劉國樑妻劉氏。遼陽州人。賦性淑純。祭祀舅姑。必誠必敬。及夫故。青年矢志。白首全貞。鄉里稱其賢。

王金妻劉氏。遼陽州人。夫故。遺腹一女。教以婦道。茹苦孀居三十餘年。堅心似石。

旌表。
俱於乾隆五年

譚珮妻馬氏。遼陽州人。氏素性孝事姑。及夫死。守節撫孤。歷四十二年。鄰里皆稱其婦德。母

儀。故甘旨無缺。又見故。終。以。苦。節。烈。

旌表。
乾隆八年

郝士洪妻劉氏。遼陽州人。夫故。孝事翁姑。供奉無缺。教子義方。務勤儉以成家業。守節三十四

年。

旌表。

乾隆十六年

劉元端妻陳氏。遼陽州人。夫亡守志。已雖茹荼。

事舅姑甘旨無缺。及舅姑沒。殯葬以禮。苦節歷

三十七年。

張文榮妻劉氏。遼陽州人。夫故。矢志苦守。事奉

翁姑。先意承志。教子義方。勤儉持家。守節四十

八年。

王世爵妻劉氏。遼陽州人。夫死屢欲身殉而死。

既然曰。幼子無依。奈宗祀何。遂撫孤茹苦。守節垂五十五年。

王璽妻劉氏。遼陽州人。夫亡矢志。冰霜自勵。垂數十年。而貞操如一。

張義明妻王氏。遼陽州人。夫歿。氏勵志守節。茹苦四十五年。

王振基妻汪氏。遼陽州人。夫死。氏力爲營葬。繼子以全宗嗣。撫女教孫。咸有禮法。守節三十四年。

旌表。俱於乾隆十七年

洪訓妻趙氏。遼陽州人。夫故。氏青年守志。供養

翁姑。盡誠盡孝。教育幼子。卒成令名。鄰里僉稱

為賢。

旌表。乾隆三十二年

王龍章妻林氏。遼陽州人。夫亡。家甚貧苦。氏善

事舅姑。勤工績。以供菽水。教孩提之姪。頗知愛

敬

旌表。乾隆三十九年